



增補甘泉縣志

函陸

ル 5
3144
6



門 儿 5
3144
卷 6

增修甘泉縣志卷六

甘泉縣知縣吳鄂峙

張宏運

王熙泰

原纂

甘泉縣知縣陳觀國

揚州府教授李保泰續輯

甘泉縣知縣徐成敷

桂正華

朱公純

增訂

學校志

宋儒學在夾城年無考紹興十二年郡太守許中建州學於英纏坊以江都縣學附焉元亦止設府學而縣學莫考明洪武七年知縣宋啟訓導崔宗武始分置縣北開明橋西駱駝嶺上二十五年知縣張本教諭廖思敬建梓潼祠二十七年知縣丁師尹訓導胡淵重建殿堂

土竹身集元 卷之二
齋廡稍加增飾宣德八年知縣謝必賢重修正統三年
兩淮運使嚴貞等建崇文閣於明倫堂後六年知縣陳
驥復加修葺五年巡按御史郭觀拓學西南古大悲寺
廢址建射圃久之爲石塔寺僧恩澤侵據景泰五年巡
按御史婁濬復之同知蔡堅建觀德亭知府周源合府
縣學射圃共爲一所成化六年悉燬於火知府鄭岑卽
崇文閣故址創講堂五楹巡鹽御史王驥拓地建號舍
二十八間七年巡按御史董韜繼修創大成殿東西廡
戟門櫺星門併聖賢塑像九年知府周源等創明倫堂
正心誠意二齋及學倉知縣陳雲鳳復建饌堂庖舍學

門訓導二宅十年巡按御史王鑰創教諭宅置臥碑於
明倫堂國子祭酒王儼有重修學記

王儼江都縣重建學記揚之士有仕於南京者曰吏
部郎中張君鼐刑科給事中俞君俊以興學事告儼
曰江都揚附郭邑也邑之有學莫詳其何所始其遺
迹在夾城者是也元壬辰歲毀於兵燹國朝洪武甲
寅邑令宋啟首奉明詔鼎建廟學始遷城之震隅駱
駝嶺上維時干戈甫戢財用弗贍學雖建其規制尙
未宏也甲戌令丁師尹爲充拓更建殿廡歷宣德癸
丑正統辛酉令謝必賢陳驥又兩葺之始迄具完乃

者成化庚寅鬱攸爲沴前人已成之功又蕩然矣是歲夏監察御史王君選適按是邦見而憫焉且病其地之猶隘也謀諸郡守鄭君岑購民地益之首築廬舍二十餘間於舊明倫堂兩階之旁以居諸生退卽崇文閣故址構講堂五間爲儒師授業所未幾御史董君韜繼之慨然以全功自任曾未期月而禮殿門廡以次落成先聖及從祀諸賢皆肖像如制矣其費總若干萬緡大抵皆出於經畫而毫末不以煩有司御史劉君忠林君正呂君鍾方君忠熊君繡運使謝君嫌亦贊助焉董君代去時獨明倫堂兩齋未就郡

守周君源貳守趙君琰張君錫通判江君鴻王君懋推官劉君昇縣令陳雲鳳復相率以畢厥功蓋宏廓軒殿其隘陋者以斥屬纏遼密其闕疏者以整於是學之制侈然大備視之昔抑又過之矣經始於庚寅二月成於辛卯六月吾邑之士具顛末願請文爲記豈惟不泯令圖且將以諗來者俾嗣守之勿壞也子惟江都之爲邑地分淮海風氣清淑俗務雅贍士興文藝三魁聯登四相戾止薰炙陶鑄用遵雅道爰目近代徵諸往古雖世有否泰治有污隆而絃誦之聲衣冠之選洋洋濟濟夙然異他州者斯豈徒氣習使

然哉其亦繫乎學校之教也蓋人稟靈秀以生不可不資學以成之也學而不知道其爲學也苟焉而已古之王者建學立師所以導之以入道也其始立學者有釋奠先聖先師之禮所以示之以尊道也洙泗邈矣風雅彌替後生俊逸使不由庠序之教親俎豆之禮而欲其知道之所由者固鮮况望其能尊之而知所自重哉此我朝列聖所以鑒末俗之流弊求先王之彝典舉行學制於有國之初而修明禮教於繼世之後雖當廢壞之餘而致克復之敏者謂非大化之鈞陶至道之涵濡不可也學旣復矣斯邑之士進

而奔走於殿庭仰聖神之如在齋明盛服則思以修其身退而藏修於學宮知暗室屋漏之可畏戒慎恐懼則思以正其心動靜不違內外交養斯於學知所用力而違道不遠誠如是夫豈徒無負於上之開導誘掖而於賢風紀良民牧所以祇承率勵於下者亦無負矣吾聞之自古天下稱繁盛者曰揚一而他未及也繼自今化行俗美人材眾多吾知文獻之盛於揚者又當與鄒魯並稱矣因學記之成庸書此以爲揚人士勉云

嘉靖五年巡鹽御史戴金重修湛若水有記

湛若水重修江都縣儒學記惟嘉靖四年龍山戴侍御君純夫巡茲淮揚鹽政振舉百廢具興於時蒞江都修文考學慨教基之圯隘若將就敝其何以示訓興道乃捐罰鍰二千八百有奇爰俾郡守易侯瓚董修之既訖工教諭劉進修攜王羅二生謁記於甘泉子甘泉子曰夫學必有基其基之不宏則如之何曰侍御憫學基之隘陋買南向東首之地二十餘丈以拓廣之前登泮池廣視戟門焉其亦宏而濬矣曰其堂殿廡齋號舍之圯則如之何曰修大成殿者七楹爲間者五展兩廡稱之乃修明倫堂其爲楹如殿之

數又修講堂凡爲楹如堂之數官解改爲者三號舍則修舊者二十八增新者十有八立二坊於前街左曰彞教右曰英纏其亦廣而華矣曰其牕牖之壞則如之何曰飾其牕櫺者若干啟其戶牖者若干以通八方之明然而達矣曰其門路之茅塞則如之何曰爲大門四楹於東方其爲間者三道由門而入以達殿堂齋舍之奧然而闢矣曰其楹桷陶瓦之靡敝則如之何曰增其楹者若干其爲榱桷陶瓦者若干其漫漶朽腐者易之塗其丹雘而新之然而旣麗矣甘泉子仰而嘆曰聖人之道我罔或敢知雖然昔者

夫子亦嘗譬之堂室矣其門弟子嘗譬之宮墻宗廟
矣然則以學宮而譬諸聖道不亦可乎曰請聞焉曰
夫子之道仁以爲廣居忠信以爲基禮義以爲門路
智以爲淵池高明以爲堂睿思以爲牕牖貞幹以爲
楹道藝以爲榱桷陶瓦墍塗丹雘然則忠信禮義之
壞也仁智睿貞之圯也道藝之敝也則將如之何曰
修之曰夫敝後有修修也者修其敝者也忠質文者
三代時治之隆者也其易而異尚也所以修敝也故
夏忠之敝也野商不得不修之以質商質之敝也陋
周不得不修之以文及周文之敝也僞道藝舉選之

法不行我聖王不得不濟之舉業夫舉業者我聖王
之所以教人德與業本末體用兼致者亦時治之隆
也故能者養其德以達諸業不能者溺於業以忘其
德養非其用用非其養是故德與業離而學之敝也
久矣易窮則變變則通今欲修之必自二業合一始
矣二業合一則仁智睿貞忠信禮義之道存而道藝
舉選之法在其中矣二業合一自敬始敬立而德與
業混矣德與業混則風俗正而賢才出矣二三子其
能與予二業合一之訓乎劉君喜曰論修學得修學
之道謹拜受以復諸郡侯邑尹入之石以永與諸生

奉以周旋

甘泉先生集

十八年巡鹽御史吳悌知府劉宗仁於樞星門外穿泮池後以形家言平之但列儲胥以隔行路焉三十一年知府吳桂芳以講堂湫隘改朔尊經閣五楹規模宏敞遂還崇文之舊三十七年颶風壞殿西南角及東西廡廟門其明年商人黃煥捐貲修葺又建文奎樓於學門內吳桂芳爲之記

吳桂芳重修江都縣學記江都漢分封諸王地也自周衰道廢秦人逞其虐燄焚棄六籍坑毀儒生天下蕩然日馳逐功名之途而不復知有孔子孟仁義之道

漢興蠲秦苛法弛挾書之禁鄒魯章縫之士稍稍出其闕簡緒編以相授受然未有灼然明於聖賢正傳以繼遺響於幾絕者也至孝武朝河間董仲舒始倡明正誼明道之學事易王於江都於是海內之士聳然易聽轉相發明正學賴以復闡而江都爲最先被澤之地流風逸韻踰久彌光士生其鄉可不爲尤幸哉自易王廢後江都代爲縣縣必有學自漢迄今未之有改也顧久而圯圯而振者數矣我明嘉靖壬子余自客部尚書郎來守是邦覩茲廟貌傾圯號宇綦莽深用祇懼爰請於巡按侍御成公督學侍御趙公

得贖金若干緩經始修葺已乃懸格風義關中黃商
煥者捐金五百爲助且請身任其成踰月之間大工
旣訖文學楊作舟輩率諸生以記請余惟正學不明
功利誇詡之習入人之深牢不可破士修於家父兄
之所期待師友之所講習鮮不以進取爲功通顯爲
榮比乘時列服遂往往務擇其私已便身者居之至
所爲懷仁義以事君父者曷其不多得也豈非教之
不先率之未預致然哉昔孔子論仁曰先難後獲其
言事君也亦曰敬其事而後其食夫仕與學皆當致
嚴於義利之辯也如此諸士幸生江都逢醕儒倡道

之鄉矧遭際明時當聖人禮樂大興之會維茲鬻宇
肇新之後昕夕誦法舉所旣聞習聽若董子正誼明
道不謀利計功之訓相與躬體而允踐之他日出而
致身廟廊履仁服義爲忠臣爲孝子以益恢大江都
而媲美前哲豈非建學造士者至榮哉黃商言利者
不惜重貲以贊營作豈亦聞正誼之風而興起者耶
余不佞因楊文學輩之請卽以諸士所雅聞者爲諸
生勗若夫修舉之次規制之詳具見憲副葉省菴先
生記中故不論

嘉靖維揚志

葉觀揚州府新修江都縣儒學記江都儒學之基古

名駝嶺地氣之鍾秀也其學舍頽敗而弗葺者久矣惟茲嘉靖壬子之秋新建自湖吳公適以春官大夫慎柬於眾擢守揚郡下車卽禮士而親儒重民務明學政提綱挈領百度次舉以故學教諭太和楊君作舟訓導電白李君一鰲桐廬姚君旦首以修學議上公聞其請欣然往視之見其頽敗惻然亟修之經費集工運木鑿石創立尊經樓於堂之北規模隆然而雄峙人才之盛於先有光續以工力之費令示郡衢而借力於民有黃生煥者毅然應命願以千金供用公嘉其義而旌之於是先師殿宇及左右廊舍葺其

腐墨易其燒折一聖四配十哲兩廡之神座一洗而新之明倫堂舊隘於升降乃益以軒五架赤白青綠布其文彩畫宇雕梁炳乎其章也誠意正心二齋啟聖祠會膳堂東西號房三十楹官衙三所其棟宇桷檻牖戶垣墻葢瓦級甃木石之屬凡頽而壞者補葺其半腐而沒者創建其全外及庠門興賢育才二坊皆葺而華之蔚乎其有成功焉夫世之牧郡者孰不曰簿書征科其職也公以經濟之才初政不遑他務而鼎新學校若此其度越諸郡哉矧其制作無侈前人有啟後瞻德譽之美流播來學而黃生之名亦賴

以榮上下感應之理可誣邪然公明刑弼教律已繩下節用愛人尊賢使能他政可法種種殷民之畏威而懷德當有大且久焉者新學云乎哉縣令劉君宗堯嘗修櫺星門一座咸視厥成者也工完三君子將公之命率諸生朱子偉紀子文光樊子璋許子科造觀廬而請文以紀其事觀也僭且忘其陋而記之同國朝順治九年

命禮部頒臥碑於學制如舊康熙十九年巡鹽御史郝浴重修學宮教諭任國鑛記二十三年御書萬世師表匾額懸于

先師廟其年教諭許維樾訓導汪和中重修尊經閣文峯閣繚學宮以周垣東西設圈門名曰玉帶巷五十一年奉

旨升祔先儒朱熹於殿內十哲之次改題其主曰先賢五十年奉

旨以宋臣范仲淹從祀稱先儒雍正元年

加封孔子五世王爵以昭尊崇至意改啟聖祠爲崇聖祠增宋儒張迪從祀三年

御書生民未有匾額頒懸

先師廟

詔郡縣春秋二祭增用太牢又

詔增先賢遠瑗林放秦冉顏何牧皮縣宣公都子樂正克公孫丑萬章先儒鄭康成諸葛亮范甯尹焞黃幹陳淳何基魏了翁趙復許謙金履祥陳澔羅欽順蔡清陸隴其從祀兩廡東廡首遠瑗西廡首林放列序先賢先儒共百二十三人位次皆由

欽定乾隆元年

特命國學文廟易蓋黃瓦以昭崇敬二年奉

御書與天地參匾額發儒學刊製懸掛大成殿又

頒賜十三經一部存貯儒學尊經閣三年奉

旨升有子若於十哲入殿東位卜子商之下移朱子熹於殿

西位顓孫子師之下又

頒賜周易折衷

全部

尚書彙纂

全部

詩經彙纂

全部

春秋彙

纂

全部

性理精義

全部

朱子全書

全部

康熙字典

全部

共七種各二部存貯儒學尊經閣先是雍正九年析置甘泉縣而共一儒學學宮已頽圯十三年郡人光祿寺少卿汪應庚捐五萬餘金與府學一併改建知揚州府事高士鑰有重建府江甘三學記

高士鑰重建府江甘三學碑記學校為王政之本自古致治之盛衰視其學之興廢我

國家統一車書謹庠序之教風俗純美而人才眾多詩書禮樂之澤直比隆於三代極盛之時蓋無或有學宮之鞠爲茂草者矣揚州人文淵藪舊有

夫子廟二一繫之府一則合江都甘泉之博士弟子員釋奠釋菜於其中是謂三學湖其始建閱今逾三百年歲久漸圯余來守是邦禮謁之初卽汲汲以重新爲已任顧經費浩博謀所以制貨財僦功役者未得也

世宗憲皇帝十有三年

特沛德音

詔所在官司支正供以有事於學余方喜幸承命鳩庀唯謹

郡有少光祿汪大夫應庚者起而請曰某家世儒修先人蓋嘗有意宮墻願襄美富矣今

天子尊聖右學則臣民之急公思効者亦其分也余聽其言而具牘臺省檄下曰可光祿欣獲厥志罔憚其勞良材堅甃之運連檣江湖填圻斤削之勤靡間寒暑歷三年而後有成棟宇峻整廡序枚實自大成殿明倫堂尊經閣崇聖祠旁及齋居之宮師儒之廨無不美輪奐美奐閱燿以新而重門週垣則嚴嚴翼翼稱廟制焉外之仰焉而歸麗者曰文樓曰魁閣內之履焉而曼碩者曰圓橋曰泮沼凡皆更其敝陋增修而式廓

之益其所經營者備矣更念衮衣章甫圖像未必克肖其真爰諮善工摹諸闕里俾萬世之仰瞻者儼乎其親聖人之警欬也功不尤偉且大乎是役也計費至五萬金有奇而學宮之崇壯遂爲東南冠光祿且謂慮弗周於有終功難俾其勿壞雀鼠之穿漏風雨之漂搖此未當諉爲異人事復出橐金一萬三千兩有奇購城南良田一千四百九十八畝輸諸公以歲入之糴禾缶米爲繕修費其贏羨者則籍而儲之官於賓興飲寒俊焉其思深惠溥又請永著爲例者如此於戲世之擁厚貲者蓋有之矣齷齪者無論也

其所稱樂善好施者但致力於琳宮梵剎以冀福田利益耳於學校未嘗過而問也或者承有司之敦勸苟且塗飾要不過枝梧目前而止若光祿者內行修謹淵懿樸茂實有得於聖人之道故能舉三百年來鄉大夫所不能爲之事肩而任之殫精極慮謀及久遠豈非知所當務有足以風示無窮者歟新學成余固樂得於其中修明禮教以上贊

聖朝

王化之隆而其告功之始末則不可以使後世無考也

因爲之記而勒之石

照壁週以紅牆嵌木柵左石坊曰禮門右石坊曰義路

東西牆側各立下馬石碑

櫺星門三座 內甬道

廟門三座 內泮池跨石橋三 東西各有井

先師廟奉祀

至聖先師孔子東西四配 復聖顏子 宗聖曾子 述

聖子思子 亞聖孟子 次十二哲 先賢閔子損

先賢冉子雍 先賢端木子賜 先賢仲子由 先賢

卜子商 先賢冉子耕 先賢宰子子 先賢冉子求

先賢言子偃 先賢顓孫子師 先賢有子若 先

賢朱子熹 先賢孫子師 先賢有子若 先賢

雍正十三年郡人汪少卿應庚至闕里摹肖

聖像暨配哲諸像殿內安奉

東廡從祀 先賢蘧瑗 澹臺滅明 原憲 南宮适

商瞿 漆雕開 司馬耕 巫馬施 顏辛 曹邱

公孫龍 秦商 顏高 壤駟赤 石作蜀 公夏首

后處 奚容蒧 顏祖 句井疆 秦祖 縣成

公孫句茲 燕伋 樂欬 狄黑 孔忠 公西蒧

顏之僕 施之常 申枏 左丘明 秦冉 牧皮

公都子 公孫丑 張載 程頤 馮公羊高 孔安

國 毛萇 高堂生 鄭康成 諸葛亮 王通 司

馬光 歐陽修 胡安國 尹焞 呂祖謙 蔡忱
 陸九淵 陳淳 魏了翁 王栢 許衡 許謙 王
 守仁 薛瑄 羅欽順 陸隴其 吳澄
 西廡從祀 賢林放 宓不齊 公治長 公哲良
 高柴 樊須 商澤 梁鱣 冉孺 伯虔 冉季
 漆雕徒父 漆雕哆 公西赤 任不齊 公良孺
 公肩定 鄒單 罕父黑 榮旂 左人郢 鄭國
 原亢 廉潔 叔仲會 公西輿如 邾異 陳亢
 琴張 步叔乘 秦非 顏增 顏何 縣亶 樂正
 克 萬章 周敦頤 程顥 邵雍 馮穀 梁赤 伏

勝 后蒼 董仲舒 杜子春 范甯 韓愈 范仲
 淹 胡瑗 楊時 羅從彥 李侗 張栻 黃幹
 真德秀 何基 趙復 金履祥 陳澧 陳憲章
 胡居仁 蔡清

崇聖祠在明倫堂東雍正三年奉

旨改建祀

肇聖王木金父

裕聖王祈父

貽聖王防叔

昌聖王伯夏

啟聖王叔梁紇祀

先賢殿東西向

顏氏無繇孔氏鯉殿西東向曾氏點孟孫氏從祀先儒
 東廡周輔成程珦蔡元定西廡張迪朱松位次俱由

欽定凡祭

先師則先期行禮

祭器庫舊有庫在學署誠意齋久廢器亦殘缺無存雍正四年知縣蔣鶴鳴率邑士徐嶠管宏進洪本仁等募造祭器未幾復多遺失乾隆五年邑人汪應庚補全並另建庫貯之

銅香爐六座共重一百七十觔 銅燭臺六副共重一百二十觔 銅洗二共重三十觔 銅毛血盆一重十六觔 銅雷罇一重二十二觔 銅山罇一重二十三觔 銅雲罇一重二十二觔 銅犧罇一重十五觔 銅象罇一重十八觔 銅龍勺一重一觔

八兩 銅爵一百六十二共重三百二十四觔 銅簠四十一共重一百六十四觔 銅簋五十二共重二百八觔 銅鉶二十二共重四十四觔 銅燈三共重十觔 鐵香爐二十九座 鐵燭臺二十九副 描金纍絲蔓豆三百七十二

樂器舊器久敝雍正四年知縣蔣鶴鳴等續製乾隆五年邑人汪應庚修

銅編鐘十六口共重一百五十二觔有架 編磬十六葉有架 琴六床琴桌六張 瑟二有架 應鼓一有架上有黃綾罩 鼗鼓二 麾幡二 搏拊二

旌節二架全 翟籥十六副 敵一下有架 祝一
鎧全 笙六攢鳳頭錫嘴全 笛六龍首鳳尾全
簫六管 篪二 埙二 笏板六 鳳簫二 升降
龍節二杆全

名宦祠在櫺星門東歷代從祀共二十三人傳載名宦

漢江都相董仲舒 宋主簿王琪 邑令羅適

明學博馬晨 學博張文輝

國朝兵備副使周亮工 推官王士徵 兩江總督于

成龍 兩江總督馬鳴佩 揚州府知府陞都轉鹽運

使崔華 兩江總督傅臘塔 提督學政許汝霖 知

縣熊開楚 兩江總督范承勳 提督學政張榕端

提督學政張泰交 兩江總督郎廷極 提督學政張

元臣 巡鹽通政使曹寅 提督學政余正健 知府

施世綸 總督河道陳鵬年 巡撫張伯行

鄉賢祠在櫺星門西歷代從祀共三十六人傳載人物

志

漢處士應曜 晉吳中書侍郎盛彥 唐中書令來濟

貞曜先生陳融 南唐內史舍人徐鍇 宋樞密直

學士呂溱 太子少師張方平 顯謨閣待制孫礪

徽猷閣待制王昂 史館修撰王居正 敷文閣待制

李易 寶章閣待制牛大年 秘理修撰李衡 元孝

子李茂 明陝西布政陳琰 雲南澂江府知府張冕

湖廣攸縣知縣張曦 福建泉州府知府馬岱 戶部

尚書贈宮保高銓 廣東參政左唐 兵部尚書王軌

太僕寺卿盛儀 總制三邊贈兵部尚書謚襄愍曾

銑 福建左布政李承式 都御史贈兵部侍郎李植

贈按察使僉事謚忠烈陳輔堯 吏部稽勳司員外

郎王納諫 雲南巡按御史李炳 贈中書科舍人程銓

國朝湖廣上荆南道參政陳卓 贈黃州府知府許承宗

湖廣昆明縣知縣張瑾

工科掌印給事中許承宣 文學贈翰林院庶吉士金

玉節 文學贈翰林院庶吉士金奇選 文學金彥選

忠孝祠在櫺星門西雍正二年奉 吳士欽 曾士

旨直省各府州縣衛立忠孝祠於學內每春秋官為致祭以

歷代孝子八十七人為位祀之

漢吳奉 晉盛彥 高悝 宋瞿驥 元李茂 張緝

明邱俊 王輅 嚴效 徐恩 栢英 王隲 王

恂 趙宗普 楊守業 蕭惟堅 桑履直 胡易

王自強 施錫 魏堯民 華時茂 李相 華時中

朱蕙 俞廷薦 史光知 張元弼 甯華錦 彭

以助 高天蔭 李之瑀 崔一鳳 蘇應芳 趙聚
 奎 胡芳 蘇眉鐘 汪有諾 張慶衍 陳世雍
 程士珍 趙天澤 倪嘉會 張文武 會夢帶 丁
 庚
 國朝方立禮 金玉節 郝明龍 蕭日曠 王賓
 張中達 蔣垣 俞士瑄 車鳴和 方陳章 車映
 昌 仲儀 林中馨 高策 林中扃 閻士彥 周
 之璠 黃士誠 汪三才 朱呈祉 吳士俊 管士
 俊 甯宗越 胡宗安 金天錫 梁崇 史行義
 俞鑑 程國柱 吳遂 蘇汝爵 郝玉三 蘇汝祿

陳道 蘇汝顯 黃琮 史鑛 江晉 高成琦 藍
 鍾華 王詢

旨直省各府州縣衛立節婦祠於學外已故者進主入祠每
 春秋官爲致祭生存者刊名於碑以示風勸初祠卑隘
 乾隆四年邑人金維紫購鄰屋擴之汪應庚改造宏敞
 其姓氏及旌表年月詳列女志

學署

大門舊額題江都縣學今改 江都縣學
甘泉
 魁星樓在大門內舊分南北二樓歲貢生郭光重建

敬一亭初在尊經閣後明嘉靖四十一年知縣趙訥移

建於儀門東勒御製敬一箴東西立宋儒四箴凡六碑

後圯雍正四年王元穉重建

儀門

明倫堂在大殿後明成化九年知府周源建

東正心齋西誠意齋俱廢

尊經閣在明倫堂後康熙二十三年教諭許維樾等重

修

號舍二十八間南北相向今廢

教諭解在明倫堂西

訓導解在儀門

射圃在學西偏久廢今貞節祠即故址也

文昌井在明倫堂東

神廚 宰牲房俱在廟西隅

設官役

教諭一人 舊制以舉人領者為之署

訓導一人 舊設一員康熙三年裁十五年復設一員今

江甘合學同任職事

增修甘泉縣志 卷之六
學吏一名 門斗三名 廟夫一名 膳夫二名
齋夫二名

員額

廩膳生二十名二年一貢增廣生二十名附學生每歲
科試舊額取十五名康熙二十七年奉

旨廣額五名雍正元年

恩詔再增五名共二十五名武童歲科並試額取十五名今
分甘邑派得廩生十名增廣生十名進取文童十二名
永爲章程

續志考正武童歲科並試額取十五名甘邑例分
七名其撥入府學者無定志脫載

又續志考正按自中鹽之制行輸粟于邊領鹽于
揚山陝人特于輸粟爲便故最多西商其後雖改
爲輸銀僑寓往來積久且爲恆業萬厯初遂有商
籍之設其以商籍得科第致穹顯者接踵相繼又
或久屬揚產仍歸試本籍選舉志兩存之前明在
淮者試淮在揚者試揚今碑文尙可考然試淮絕
無明文惟揚有商籍附府學耳舊制商額十四名

通泰竈籍六名合爲二十名其商籍先由江都縣
試江甘旣分兩邑歲科輪考以上于運司如府考
送學政取定而通州雖自爲直隸竈籍仍歸揚乾
隆四十年西商童生不足十數人應考者詐冒競
出遂併竈籍一體裁去各就近入地方應試前甘
志未載商籍因與甘泉有繫并述其興廢之原委
以存故實云

學田自宋景祐元年詔賜學田三頃歷紹熙淳熙淳祐
閱者不載明嘉靖八年巡鹽御史朱廷立知縣陶儼始

置學田二百四十畝後陸續置入共一千二百五十畝
七分五釐每年學租銀三百兩五錢一分七釐四毫八
絲爲本學暨撥入府學廩膳生膏火禮生衣帽寒生賑
給及修理學宮補祠祭缺乏之用

國朝乾隆三年邑人汪應庚旣修建兩學復爲久遠計
蠲金一萬三千一十九兩置良田一千四百九十八畝
四釐五毫輸之學以田租變價繳府庫相兩學歲修所
費支給其餘剩者登簿貯公於大比時分助文武試士
資斧呈請永定爲例

舊學田城東手巾沙水田一百畝 天湖蕩田一百四

十七畝 城南六淺水田三百十畝 高田二十畝
 許家澳水田一百畝 凍青鋪水田一百六畝七分一
 釐 耿官營田三十畝 城西石橋田四十一畝八分
 二釐四毫 甘泉山田五十二畝六分 大明寺田十
 一畝五分八釐五毫 城北黃子湖水田五十二畝
 觀音寺田一百三十五畝六分七釐 八塔鋪田二十
 五畝又一百二十四畝九分六釐四毫 雷塘田十畝
 沙家尖田十四畝 二十里店田二十畝 殷家厦
 田十三畝

汪新置田在江都縣界內瓜洲南圩河東計水田一千

四百九十八畝四釐五毫其額徵租米數目佃戶名籍
 有詳册存府案

鄒守益揚州府新置學田記嘉靖己丑兩厓朱君廷
 立以御史按治於揚始至曰於戲揚俗尚侈蠹之自
 商始我其申飭於商無或華居室美衣服盛宴會以
 眩民視違者有常刑時陶君儼為揚州守延而議曰
 揚俗尚侈變之在士始惟我與子匡翼於庶士曰冠
 曰婚曰喪曰祭咸率訓典以立民準既越時陶守復
 於兩厓曰惟商畏威惟士克由禮惟公之休惟士有
 困乏欲趨禮而柅請得以贖罪金市田於學凡郡邑

諸生弗能婚弗能葬弗能給及學官之廉而貧者咸
議所以佐之兩厓曰嘻富而約之貧而不能助是教
弗溥也惟子與我協贊其宜以溥茲成陶守退而屬
其僚郝君守正白君鎰相度原隰覈沃避磽務永其
利揚之民卞玆割田百畝以爲義倡就其旁買田二
百四十畝合三百四十畝以輸於學會黃君國用量
移推郡事嘆曰教之弗明獄用滋豐盍昭茲義典俾
久而孚乃與教授陳君克昌酌其佃種出納之宜無
或市恩無或歛怨無或啟奸勒諸碑陰以範來者東
郭子守益曰書不云乎資富能訓惟以永年惟德惟

義時乃大訓古者制民恒產而迪以庠序申以孝悌
無有貧富各正其德而厚其生是之曰王道奢麗而
弗以禁是縱諸惡也貧乏而弗以援是棄之弗納於
善也民是以日入於辟而弗永其天年夫制民之產
未之能議也議爲之兆自諸君子始惟爾諸生無先
於食而後其學惟司其事者無以利疚於義上下一
於德義以光嘉績庶以訓於四方

東郭集

書院附

安定書院在府治東北三元坊康熙元年巡鹽御史胡
文學建祀宋儒胡瑗

雍正揚州府志

高斌重建安定書院碑古者建設學校所以使學者從容陶冶成有體有用之材也我

國家重熙累洽久道化成人文日盛歲壬子

世宗特諭省會設立書院以廣教育大臣既次第遵行揚州

故屬郡治兩淮商士萃處於斯資富能訓英才蔚起咸踊躍懽欣願光

盛典郡城舊有安定書院

聖祖御書經術造士額

天章炳煥雲漢爲昭使者因商士請於都轉運使經營式廓積屋若干區自講學之堂棲士之舍門庭庖湏器用

之需畢具不日竣工恭逢我

皇上繼天立極文教覃敷海內之士翕然觀化適書院告成

延師授業遠近來學者雍雍濟濟猗歟盛哉夫遵立書院敦聘學行不苟之傅爲之表率俾士子觀感奮興共相砥於崇本務實之詣使者之至願也董子之言曰正其誼不謀其利明其道不計其功伊川先生謂安定之門人往往知稽古愛民矣則於爲政也何有學者師董子之訓遵安定之規勿趨榮利而忘身心勿尚文詞而遺經業立體致用處爲醇儒出爲純臣於以仰副

聖朝之盛典使者有厚望焉是爲記

尹會一重建安定書院記畧維揚郡治之東有安定書院康熙元年兩淮商士建也時四明胡公視鹺政奉安定先生主於寢進諸生講學於堂遂以是榜其門公旣去嗣爲鹺院代遷解而師儒弦誦之事罕有聞矣越二十年堂廡旋毀解宇亦傾惟寢堂以安定祠故特存歲乙酉

聖祖南巡

賜御書經術造士額有司展覲惟謹其東西偏則土著侵居甚且盜鬻距始興七十餘載講張不可勝詰矣雍正

乙卯春院憲高公允商士請仿省會闢書院檄使者卜居於茲迺集商士清故址正方位祠故西嚮撤而新之更南嚮門三楹堂室如之爲重五祀主於堂四明耐從其朔也祠之東別開講院門二重堂室三重楹皆五東西皆有廡其又東則學舍門三楹迤北楹以九凡五重合東西長廊計楹八十有一中矗起爲樓者三禮魁宿兆文明也南東葢碑亭不忘始也又祠之西北室三重楹如之將積書備師儒講習擇學行完潔之士司焉其東西隙宇復二十有三楹庖湔之所主守之廬惟其地自舍南治直道經講院左右

獅子臺過安定祠建綽楔大書安定書院以表於衢
西嚮樹之柵柵以內離為三宅合為一區四周複道
繚以重垣高壯悉稱既得卜經始於春落成於冬費
錢八千緡商士踊躍莫肯後蓋自

聖祖

世宗深仁浹髓我

皇踐祚培植有加此其樂與維新嚮風慕義有以也夫天下
事有其始之恒難為繼四明不作前事可鑒矣矧今
院憲敬敷文教興賢育才振蘇湖遺緒匪以供傳舍
適燕游使者祇遵擘畫亦殫厥心矣繼繼承承以襄

雅化無廢成勞是在後之君子

甘泉書院嘉靖七年巡鹽御史朱廷立為南京祭酒湛

若水建

南畿志

甘泉書館舊名甘泉行窩御史洪垣奉命改今名

在鎮淮門外嘉靖七年貢士葛澗建巡鹽御史朱廷

立徐九臯陳蕙洪垣提學御史聞人詮知府侯秩劉

宗仁知縣王惟賢相繼修拓

嘉靖江都縣志

呂柟甘泉行窩記甘泉行窩者今少宰甘泉先生增
城湛公所過之地也嘉靖丁亥先生以大司成考績
北上道出維揚其門人不期而至者五十人居一日

秉贄而謁者又幾十人先生樂之有至止之意焉車且起有葛澗者請立會友約後來者益眾澗乃謀選地於城東一里承甘泉山之脉創行窩焉曰此可以裒同志之士講先生之道也揚故有甘泉山蜀岡諸阜咸發脉焉高二三十丈望五十里其巔有泉甚冽曰甘泉與先生之號不約而同行窩正當其結聚處此所以名也遂扁於門桺所書也門北銀杏一樹大將十圍高十餘丈乃就樹築土爲墀墀北築基爲堂堂曰至止先生所題也其心性圖說在北墉鐘磬在東墉琴鼓在西墉二齋在東序燕居在至止堂北厨

庫在燕居左右繚以周垣凡六十有二丈垣外有溝溝外有樹先門外有池池水與溝水襟帶行窩而池上有橋當行窩之旁又置田二十餘畝以資來學其費也初議出於眾後澗皆辭之蓋身所獨舉因以問記云曰昔宋二程子適僧寺大程入門而左從者數十人小程入門而右從無幾小程曰此便見頤不及家兄處今先生一過維揚從者如雲則何以異於大程柟先生禮闈所取士受教獨深先生每令門弟子隨處體認天理求心事於合一近復推廣皇上敬一之箴蓋凡言動皆此教也大程言天理二字却是自

增修甘泉集卷之六
家體貼出來則固無以異於先生然則凡居行窩者
又豈可他求乎昔程子自謂予得劉謝輩而從之者
日益廣近予讀雍語多澗所問對也讀合一訓多澗
所輯行也澗揚人也與其弟洞蚤從先生於南雍能
篤信乎先生故先生未至揚而揚人已徯志如是然
則葛非湛門之劉謝乎主行窩之教而立先生之範
以式是來淑不在葛氏乎昔元有程悅古者隱士也
李子敬者義士也子敬富於財而病世之學者難乎
道乃捐貲建學古書院敦請悅古以化鄉人至今子
敬與悅古並傳不朽葛君之學與志又非但如子敬

甘而先生之道又非但如悅古蓋沂伊洛而上躋鄒魯
者也是故處則明義以變俗出則興道以振風光行
窩於萬年明師教於百世葛君固不得辭其責矣
洪垣甘泉山館記畧先生之學隨處體認天理是已
天理者非他也在天謂之命在人謂之性天地人物
所以生生而不已者也真脉也故曰人受天地之中
以生又曰仁者天地之心是故人心之渾然至善具
矣不可以內外動靜分矣今夫體認之心卽致知寡
慾之心致知寡慾之心卽不著絲毫人力之心不著
絲毫人力之心卽天理之心天理非待發而後有也

發斯是矣若曰發而後有是無內無靜矣體認天理亦非待發而後存也存斯全矣若曰發而後存是有外有靜矣無內外無動靜一以貫之是為各自得自心而至廣至大之德業出矣斯之為求其實也或又曰體認必曰廣大者又何居曰子不見夫室中之人乎指一隙之光而問之此曰天也彼亦曰此天也其他則不知也一旦登諸千仞之巔俯視四表則萬象森羅一舉目而見矣體認之功是登高觀天之類也

嘉靖江都縣志

甘泉書館義路坊提學御史聞人詮立禮門純正門御

史徐九臯立至止堂學集誠明齋東西入間自然堂仰宸樓進修敬意齋號房東西入間祠堂在純正門外射圃在純正門西嘉靖十五年御史陳蕙置田八十畝為贍十七年御史洪垣增買田三十三畝嘉靖維揚志

仰宸樓中刻敬一箴湛若水書藏御制文集扁玉音純正有本之學嘉靖十四年御史徐九臯知縣王維賢教授高簡監生葛澗輸木建三十七年風變廢圮嘉靖江都縣志鄒守益至止堂記甘泉湛先生講學於觀光之館葛君澗自揚而學焉既歸作行窩合同志而習之先生過揚升其堂題之曰至止澗使其弟洞以告益益謂

洞曰富哉至止之教也子之兄之作行窩也居云廣矣位云正矣道云大矣非先生之身臨之也其得爲至止乎夫二三子之學於斯也非朝夕居之其得爲至止也乎夫廣居正位大道者蒸民所同受也而能至其止者鮮矣子不聞東家之子與西家之叟乎東家之子富家也厭其岑寂而遨遊於市酣歌恒舞猖狂而忘歸所親憐而勸之嗔而不從西家之叟富與東家等惡其煩囂而逃諸深山蔭巖松飲澗泉枯形黧色之死而不變世之逐紛喧華眩於名利而拂惻隱羞惡之良其遨於市之類也世之沉空守寂外人

倫遺事物而自以爲明心見性者其逃於深山之類也其爲失其所止均也夫受親之居棄而曠焉則眾闕然以爲逆其親矣受天之廣居而驚然曠之其將不爲逆天乎君子知天命之可畏也戒愼恐懼以求復其初事親以孝從兄以弟事上以敬撫下以慈接朋友以信而岑寂煩囂舉無所滑焉終食必於是是日時至終日必於是是日日日至終月必於是是日月至終時必於是是日三月之至終身必於是是日純亦不已之至純亦不已則與天合德矣夫是之謂至止之極二三子之學於師也以體認天理爲宗者也

天理也者吾心之得其中正而無過不及者也過也者賢知之助也不及也者愚不肖之忘也勿忘勿助以求至乎其極而式光於師訓茲二三子之責也洞喜而識之歸以告其兄登諸石以詔同志

東郭集

湛若水自然堂銘夫堂何以名自然也夫自然者聖人之中路也聖人所以順天地萬物之化而執夫天然自有之中也夫路一而已矣學者欲學聖人不先知聖人之中路其可至乎先師白沙先生云學以自然為宗當時聞者或疑焉若水服膺是訓垂四十年矣今乃信之益篤蓋先生自然之說本於明道明覺

自然之說無絲毫人力之說本於孟子勿忘勿助之說本於夫子毋意必固我之教說者乃謂老莊明自然惑甚矣遂作自然堂銘銘曰有堂恢恢麗彼甘泉自然其名哲人維言或曰老莊無亦其禪曰彼二氏私智煩難焉諸本體焉知自然曰自然者何以云然夫自然者自然而然吾且不能知其然吾又何以知其所以然問之天地天地不言而蒼然墮然問之萬物萬物熙然怡然不言而其意已傳或失則少或失則多或過不及如自然何仰維宣聖示學之大母意母必毋固毋我川上之嘆不舍晝夜天時在上水土

在下卓彼先覺大公有廓自喜自怒自哀自樂天機之動無適無莫知天所爲絕無絲毫人力是謂自然其觀於天地也天自爲高地自爲卑乾動坤靜巽風震雷澤流山峙止坎明離四時寒暑自適其期一陰一陽之謂道道自無爲是爲自然其觀於萬物也化者自化生者自生色者自色形者自形自動自植自飛自潛鳶自戾天魚自躍淵不犯手段是爲自然是何以然莫知其然其然莫知人孰與之孰其主張孰其綱維孰商量之孰安排之天地人物神之所爲何以思惟我何以握其機勿忘勿助無爲而爲有事於

斯若或見之其神之幾其行不疑窮天地而罔後越萬物而無前天地萬物與我渾然一闔一闢一語一默各止其極莫見其迹莫知其然是謂自然百爾諸賢哲哉勉旃

甘泉先生集

徐九臯仰宸樓記皇帝嗣服纘緒懋敬厥德始終惟一紹百王之統建斯世之極著敬一箴敷學錫官是訓是迪惟時甘泉先生學迦濂洛道跂洙泗所謂咸有一德者矣推明敬一之訓振德於天下惟江都葛生澗蚤歲從先生遊率萃同志服習至教爰創甘泉山書院云歲乙未會稽徐子理鹽維揚閒至肄射講

業焉周視垣宇以爲未慊於志高教授簡用爲請廼檄江都王尹惟賢拓址闢墉乃於自然堂之北創樓六楹庸廣游息凡三閱月而落成夏六月徐子問焉曰惟先生爲道宗盟樓以永教也幸畀之名示訓以照臨多士先生曰夫道廣矣大矣吾何敢知惟皇極之敷言照臨下土精一授受豈有加焉二三子則祇若勤勵矣吾何敢知廼手書敬一箴俾刻置北壁曰庶幾瞻仰宸翰敬蚤夜以近天子之光題其樓曰仰宸嗚呼至乎其教之也教授簡率多士來請記徐子曰夫道廣矣吾何敢知主盟斯道則有先生在秋八

月先生適有事於泗駐節維揚徐子得從杖履登覽焉徹視宇宙凌軼塵氛高明廣大倏然遽然不知余之與天爲徒也乃仰而嘆曰嘻大觀矣哉臯也登斯樓而見聖人之心之高明之廣大也而見聖人之高明之廣大之學也高明廣大其體乎敬其功乎聖敬曰躋焉是故灑然弗以物累也夫是以高明焉廓然弗以物蔽也夫是以廣大焉廣大配天地高明配日月其惟克一乎非敬其孰能之先生之教體認天理焉至矣夫天理也者以言乎其一也體認也者以言乎其敬也敬斯一一斯高高斯明明斯廣廣斯大大

斯聖聖斯天二三子其唯敬乎內外合動靜混體認天理勿忘勿助高明廣大焉是致極精一之學也其庶乎敬一之訓會極歸極以近天子之光哉先生立教之意不有在於斯乎不有在於斯乎

嘉靖維揚志

甘泉書院萬曆二十年知府吳秀卽其址爲平山別墅俗呼梅花嶺二十三年巡按御史牛應元改曰崇雅書院

萬曆揚州府志

國朝雍正十二年郡丞劉重選卽其地課士郡人馬曰瑄重建堂宇名曰梅花書院

吳銳梅花書院碑記書院何爲而設也稽之王制旣

立之黨庠術序以處士矣士於是隸籍其中爭先角藝先儒又以爲恐近喧囂乃退求水木清虛之地相與俛仰揖讓以爲扶樹道德之所其功與學校相埒今所傳四大書院是已況維揚爲天下之陬區匯江海互南北五方雜遝耳目見聞薰習濡染非多爲之所恐爲風俗憂文登劉公重選以名進士來佐茲邦慨然有澄清之志以爲先自士習始士習端則民風相率而馴而遽與研窮精微辨析同異將茫茫然無所嚮方不若先之以帖括制義使有所約束馴習以歛其心而漸之乎道德之塗於是進闔郡生童而與

之約而月一課招之坐隅講貫切摩不啻塾師之督其弟子間進之以立品立心敦本敦行之實久之赴課者眾而公堂非講藝之區官廨非棲士之舍郡人馬君曰瑄種學績行吾黨之祭酒也以梅花嶺舊有崇雅書院前明秀水吳公守揚時改築偕樂園今毀且久矣乃尋其遺址曰是閑且曠正可爲公宏獎人才所也遂獨任其事減衣節食鳩材命工前列三楹爲門舍其左爲雙忠祠右爲蕭孝子祠又三楹爲儀門題以梅花書院之額從其朔也升階而上爲大堂凡五重複道四周又進爲講堂亦五重東構號舍六

十四間旁立隙宇爲庖厨浴溲之所西有土阜高丈許所謂梅花嶺也嶺上構數楹虛牕當簷簷以外憑墉而立四望烟戶如列屏障下嶺則虛亭翼然樹以梅桐雜木四時花卉之花經始於雍正十二年之春不期月而落成公以政餘校課凡月一舉如舊例而銳以備員江都追陪席末側聞公之議論未嘗不嘆公之愛恤人材陶冶而成之者如此其勤勤懇懇久而不厭也而先後校士院中者齟齬院則有尹公會一太守則有蔣公嘉年高公士鑰明府則有江都朱公輝五君格甘泉龔君鑑皆與公扶掖羽翼相與有成

一時羣材蔚興德造并美如金在鎔如泥在鈞有風流文物照耀江淮之盛行見與嶽麓嵩陽應天白鹿並傳不朽而公所甄拔士如劉復羅敷五郭潮生郭長源周繼濂周珠孫玉甲蔣爽耿元成裴玉音閔鯉翔楊開鼎吳志涵史芳湄其尤也蓋揚之人士咸戴公之教澤而又以頌馬君慨然復古為能成公之志也是為記

甘泉山房在甘泉山嘉靖十五年湛若水出已貲易其地諸生議建御史洪垣置田六十畝

嘉靖江都縣志

甘泉山房遵道堂進修敬義二齋居學室博約忠恕

二齋顏樂亭御史朱廷立建

嘉靖維揚志

續志考正即古蹟內甘泉精舍

安石書院在邵伯鎮

萬曆揚州府志

虹橋書院在北門外康熙間兩江總督于成龍建集郡

士肄業其中久廢舊志亦失編

甘棠義學在邵伯鎮街北康熙間本鎮士民公建

以上原志

嘉慶五年頒發

御書聖集大成匾敬謹懸掛

乾隆五十二年鹽政徵瑞運使倉聖裔大修府縣學

前志名宦從祀共二十三人嘉慶十四年題准前揚州

營游擊白雲上祀府學名宦祠

按游擊統轄者廣非甘所敢私然固與被其澤者

白公河南河內人起家侍衛由游擊洊升漕標副

總兵告歸寓揚以終

前志鄉賢從祀三十六人嘉慶十三年題准邑進士李

道南入祀鄉賢有傳在後

梅花書院郡人馬曰瑄重建乾隆四年定諸生膏火在

運庫支給八年併附安定書院四十二年曰瑄子振

伯呈請歸公運使朱孝純諭商捐修創立號舍更新

其制

廣陵書院乾隆四十六年知府恒豫令郡屬公捐買東

關大街官房一所創立向府署西街有邗江學舍課

諸童生房宇漸傾廢因更移於此

揚州營義學在舊教場東營馬王廟乾隆三十八年遊

擊白雲上請于鹽政李質穎設立歲給資脯專課營

兵子弟

揚州十二門義學嘉慶四年建揚義學舊有三處一董子祠一瓊花觀一司解久廢嗣于都天廟西來菴二郎廟等處先後設立不足以容誦習總商等請以十二門各設一所而盡裁其舊每所以三十人爲率甘棠義學在邵伯鎮嘉慶八年生員蔣和重修艾湖學舍在邵伯鎮乾隆五十九年浙趙履元爲揚州通判好士勸學因普濟書堂舊址改建以時會課生童自捐廉俸未幾病卒遂廢

以上續志

原額取進文童十二名武童七名同治二年以捐助軍

餉加廣永遠文額六名武額六名四年以捐助軍柴加廣永遠文額二名暫額十七名永遠武額一名暫額二十二名分次取進

拔貢生江都縣學每逢酉科額拔一名雍正十年分立甘泉縣每十二年兩縣輪拔一名同治十二年甘泉縣學添設拔貢一名

大成殿道光元年頒

御書聖協時中額咸豐元年頒

御書德齊疇載額同治元年頒

御書聖神天縱額其節次增記者東廡增先賢公孫僑

位林先放上

儒毛亨

位孔安國上

陸贄

位范仲淹上

謝良佐

位羅從彥上

李綱

位張栻上

文天祥

位趙復上

方孝孺

位薛瑄上

呂柟

位劉宗周上

孫奇逢

位陸隴其上

西廡增先賢公明儀

位公都子

先儒韓琦

位楊時上

袁燮

位黃幹上

陸秀夫

位許衡上

曹端

位王守仁上

呂坤黃道周湯斌

位王守仁下

崇聖祠增先賢孔氏孟皮

位顏氏無繇上

名宦祠

鄉賢祠

道光十八年知府李璋煜釐正木主記曰昔朱邑為桐鄉令既沒桐鄉人祠之此名宦祠之權輿矣張良食采於留後人於留城為子房立廟此鄉賢祠之權

輿矣自是以後見於史冊者甚夥然皆專祠而非總祠也明代始令府州縣學立名宦鄉賢總祠有司春秋致祭

國朝亦因其制豈非欲令諸生觀禮者以古人為師而有所取法歟然守土者每視為具文而儒官亦弗之深考或已列祀典而祠無其主或祠雖有主而志無其人或名宦誤入鄉賢或鄉賢誤入名宦或名雖彰著而無關乎本郡或縣已他屬而仍贅列其人其他官爵闕書姓名誤寫者尤不可殫紀凡此諸失各郡皆所不免而揚郡尤甚前守劉公源灝督率同僚捐修

郡學屬訓導陳君萼寶應舉人劉君寶楠考定名宦鄉賢祀典會劉公升任去斯事遂輟今年夏余權守斯郡陳君以前事詳請立案其應移祀鄉賢者曹憲孫馨張方平桑喬蔣應奎黃瓚王軌凡七人應移祀名宦者婁師德李德裕韓琦晁輔之宋庠陳瑄熊尙文馬文升凡九人應補入名宦者謝安以下凡若干人應補入鄉賢者臧旻以下凡若干人其官爵姓名訛脫者俱已改正惟有應撤之主或以有舉莫廢爲疑余案文王世子凡釋奠者必有合也鄭注云國無先聖先師則所釋奠者當與鄰國合也又云有國故

則否鄭注云若唐虞有夔龍伯夷周有周公魯有孔子則各自奠之不合也疏云此謂諸侯之國釋奠之時若己國無先聖先師則合祭鄰國先聖先師謂彼此二國共祭此先聖先師故云合也若己國有先聖先師則不須於鄰國合也當各自祭故云有國故則否夫先聖先師苟有其人猶不必借資於鄰國况名宦鄉賢尤當各從其鄉不必借才於異地也亦明矣名宦中如王安石應移祀通州鄉賢中如海州之徐璆六合之陳融如臯之胡瑗無錫之杜鎬天長之朱壽昌通州之錢暎以下十三人應各移祀其鄉何遜

海瑞王守仁未官揚州汝南應曜千乘董永皆非揚
人文天祥停留眞州三日不得謂流寓均應撤主余
謹據禮正之旣飭學別立檔案復作記以諭後之人
俾有所考焉

安定書院見前志咸豐三年粵匪陷城遭燬迨同治四
年兩江總督兼理鹽政李鴻章檄行運司李宗羲興復
書院以安定書院舊址費鉅驟難修復五年春運司丁
日昌莅任先借廣陵書院給卷開課山長暫居別舍七
年始建於東關街疏理道巷口官房書院向課生監今
則童生亦得與課十二年增定生監正課四十名附課

四十名隨課無定額童生上取十五名中取二十名次
取無定額每年二月甄別後每月初二日官課十六日
館課按月升降開課後仍令投考三次每月另課小課
隨卷之多寡錄取亦無定額每屆鄉試停考三月預給
膏火嗣又增正附課各十名童生正附課各五名

掌教錢振倫移建安定書院記揚州安定書院舊在
府東北三元坊巖使高公有記後吳穀人祭酒復爲
曾都轉校士記原石雖燬而其文錄於郡乘可覆視
也自巡鹽使者改併兩江制府而書院課程始由都
轉主之咸豐間揚城迭次失陷及收復而故迹不復

可問同治五年都轉丁公議復安定梅花兩書院權建於東關大街民舍安定亦同時開課而尙未得地越二年得宅於左衛街梅花之名屬焉而東關之宅遂建爲安定書院初延吳介臣侍御主講已閱六年及振倫繼至而碑誌闕然是烏可以弗記與考胡翼之先生教授蘇湖當時太學至爲取法今吾湖胡氏宗祠卽名安定書院此外書院之以安定名者所在多有特揚爲人文淵藪胡公所居近在海陵固宜其名之尤著耳抑振倫竊有進者胡公之教分經義治事爲兩齋殆期於通經致用亦各因其才質而造之

國初定制

頒卧碑於膠庠軍民一切利弊不許生員一言建白誠見夫人心不古今昔異宜故於嚴防橫議之中寓保全士類之意此非淺儒之所識也自粵匪肆擾東南浮競之士相率投匭獻書以希躐等之榮進或且樂其誕而崇獎之事後追思百無一驗然則所謂留心經濟者其效亦畧可睹矣書院舊有

憲廟賜額

曰經術造士而不及治事蓋與卧碑之旨若符節焉今江淮蕩定士之返其鄉者類能誦習其鄉先生之業而不專爲徼倖速化之文卽以振倫之迂拙猶得

棄短用長以與諸生相劇切庶幾所謂恂恂有規矩者至異日登

朝建樹則視其所自爲斯無容過爲高論以預期抑豈得以專重經義疑爲偏而不舉耶維時轉運使者爲同年定遠方公名濬頤甲辰進士監院事者揚州府學教授施君震福訓導吳君琪生徒二百餘人同治十有一年七月

梅花書院見前志咸豐三年粵匪竄揚夷爲平地同治五年建於東關街疏理道巷口官房七年移建於左衛街入官民房原地改爲安定書院開課原委生童額數

並與安定書院同從前孝廉堂會課本附梅花書院今仍附入十二年增定正課十五名附課十五名隨課無定額因未延山長每月無館課小課仍隨生監附考每遇會試停課五月預給膏火考課之法亦如生監例廣陵書院見前志咸豐三年粵匪陷城堂宇傾圮同治四年知府孫恩壽重修向課童生自此兼課生監十二年知府英傑增定課額生童正課各三十名附課各六十名隨課無定額光緒五年十二月署邑篆徐成敷稟奉運司諭場商按引捐錢三文每年可得一千二百緡六年春知府何金壽增定生童正課各四十名附課各

八十名隨課無定額又增小課經解詩賦生取十名童取五名

以上新增

以上新增... 取五名... 八十名隨課無定額又增小課經解詩賦生取十名童取五名

職官志

設官甘泉縣知縣一人

主簿一人

其屬典史一人
精典吏十三人

儒學訓導一人

邵伯鎮司巡檢一人

上官橋司巡檢一人

邵伯驛驛丞一人

知縣龔鑑

浙江錢塘人貢生
薦舉雍正十年任

吳鶚峙

山東霑化人舉人
乾隆三年任

張宏運

湖廣江夏人監生保舉
乾隆六年任

王熙泰

正白旗人舉人
乾隆七年任

主簿韓鏞

正藍旗人
雍正十年任

朱倫瀛

正紅旗人
雍正十二年任

劉兆元

江南桃源人
乾隆元年任

典史單宏綸

順天大興人
雍正十年任

蘇有成

陝西長安人
雍正十二年任

陶鐸

浙江人乾隆
七年任

訓導姚鑄

江南桐城人貢生
雍正十年任

蔣音

江南溧陽人貢生
乾隆元年任

沈斌

江南吳江人貢生
乾隆四年任

邵伯鎮司巡檢范天成

順天宛平人
雍正十年任

陳紹興

順天三河人
乾隆二年任

沈宏任

浙江會稽人
乾隆六年任

李鑒

廣東人乾隆
八年任

上官橋司巡檢朱增

順天宛平人
雍正十年任

邵伯驛驛丞劉起友

江西南昌人
雍正十年任

謝泰

順天大興人
乾隆六年任

以上原志

知縣

案陞調更署歷任不皆實授其有歲月稍久者則為登載餘並不敘各職皆同

王熙泰 漢軍正白旗人乾隆八年二月任

明新 滿洲正黃旗人乾隆九年十二月任

金鴻 直隸清苑人雍正庚戌進士十年九月任

王麟超 直隸正定人拔貢生十一年九月任

劉履乾 直隸高陽人雍正己酉舉人十二年六月任

李宗典 安徽懷甯人十四年五月任

徐淳 順天大興人雍正癸丑進士十五年四月任

紀晉 直隸文安舉人十八年八月任

賀祥珠 江西永新人雍正癸丑進士十九年六月任

鄭鴻任 山西文水人乾隆乙丑進士二十三年正月任

吳瑋 河南固始舉人二十七年八月任

龍燦岷 四川華陽舉人二十九年七月任

秦燠 山東鄒縣人三十五年五月任

李士珠 山東歷城人三十八年六月任

王兆棠 浙江錢塘人四十年正月任

宋覲光 四川營山人副榜四十四年三月任

陳太初 浙江山陰人四十六年六月任

趙增 浙江德清人五十一年四月任

吳元潛 安徽休甯舉人五十二年九月任

陳璜 浙江山陰人五十二年十一月署

繆廷玠 漢軍正白旗人五十三年十一月任

楊寶曾 浙江海甯人五十七年二月任

孫源潮 安徽宣城人乾隆辛丑進士嘉慶元年十一月任

徐崇炯 浙江西安人乾隆辛卯舉人四年八月署

方觀鯉 安徽桐城人乾隆戊申舉人六年十二月任

陳觀國 浙江海甯人乾隆乙未進士八年二月任

潘鎔 浙江安吉人乾隆壬子舉人十二年四月署

陳觀國 十四年二月復任

訓導

沈斌 吳江人乾隆元年四月任

唐德咸 崑山舉人九年六月任

方懋福 元和廩貢生十三年六月任

王聲宏 金山歲貢生二十年六月任

汪紘 山陽廩貢生二十七年二月任

楊濬 阜甯廩貢生二十八年九月任

虞金振 丹陽廩貢生三十年五月任

顧愷量 新陽優貢生三十七年八月任

王天梅 宿州歲貢生四十三年十一月任

胡啟淑 甯國歲貢生五十年十一月任

王嵩伯 長洲廩貢生五十三年十一月任

鄭環 武進人乾隆丙午舉人嘉慶四年九月任

桂以嗣 貴池人乾隆甲寅舉人十二年七月任

主簿

劉兆元 桃源人乾隆元年任

舒超 山陽人十年任

張廷發 元和人十五年任

李元植 山陽人十九年任

阮咸 浙江餘姚人二十四年任

蔡咸志 嘉定人二十七年任

明光儀 宿遷人三十二年任

羅熙載 浙江仁和人三十四年任

劉鈇 山西靈邱人四十一年任

徐光奎 清河人四十八年任

方國袍 清河人五十一年任

溫常毓 山西太谷人五十五年任

魏繇曾 江西廣昌人六十年任

張賜甯 直隸滄州人嘉慶二年任

增修甘泉縣志 卷之六

孫仲賢 順天宛平人七年任

沈國瑞 浙江會稽人九年任

嵇 塿 浙江德清人十四年任

邵伯司巡檢

李 鑒 順天宛平人乾隆八年任

王顯祖 浙江山陰人八年任

史遷義 順天文安人十三年任

李 麟 順天大興人吏員十九年七月任

方 義 二十五年六月任

徐元燮 浙江平湖人監生四十二年八月任

錢 鈺 浙江山陰人監生六十年十月任

胡朝倫 順天大興人供事嘉慶四年九月任

李宜春 江西金谿人十年九月任

上官司巡檢

王 燦 浙江蕭山人吏員乾隆九年七月任

林景正 漢軍正藍旗人考授吏目告降十六年十月任

陳 熊 浙江秀水人監生二十一年八月任

李奉珽 漢軍正藍旗人監生三十五年十二月任

黃 榕 浙江錢塘人監生三十七年四月任

余 璋 浙江餘姚人供事四十七年十二月任

陳爾泗 廣東四會人監生五十八年十月任
潘定可 順天大興人吏員嘉慶六年二月任

典史

陶鐸 浙江人乾隆七年任

李奉宜 河南夏邑人十二年任

吳載良 順天大興人吏員十三年九月任

徐毓蒼 順天大興人供事二十七年八月任

戴賢鏐 江西建昌人監生三十五年四月任

劉文修 四川南川人吏員三十七年五月任

張應質 江西廬陵人監生四十五年八月任

劉文修 五十一年十二月病痊坐補復任

王汝楨 順天大興人吏員原籍浙江山陰五十七年七月任

洪棡 浙江山陰人供事嘉慶四年十二月任

驛丞

謝泰 順天大興人乾隆六年任

姜其章 安徽貴池人十九年閏四月任

乾隆二十一年奉文裁汰驛丞其鈐記咨部銷燬俸
工等項銀照例住支裁歸起運充餉所有夫馬錢糧
統歸本縣經理 以上續志

知縣

羅翹遠

人嘉慶十五年任

閻光涵

人舉人道光二年任

朱芾

人二年任五年再任

盧雲亭

人舉人四年任

劉大烈

巢縣人六年任

趙本敷

人六年任

鍾承露

舒城人世襲恩騎尉六年任九年十二年再任

湯譽光

人八年任

景昌

人八年任

王文采

人八年任

孫炳燁

仁和人十二年任

盧元良

南康人進士十五年任十八年再任

王定姓

順天舉人二十一年任

朱子庚

浙江人二十二年任

彭以竺

歷城人進士二十四年任

林向榮

人二十六年任

徐德元

安徽人附貢二十六年任

福祿堪

滿州正白旗人二十八年任

姚維城

江西人二十八年任二十九年再任

梁園棣

靈石舉人二十九年任咸豐三年再任

謝範卿 江西人咸豐三年任

許道身 錢塘人五年任

李輝德 人舉人五年任

唐守道 靈川人進士五年任

胡萬禧 福建人六年任

李敬灝 山東人舉人六年任

施宜泰 直隸人九年任

姚弼唐 湖陽人十年任

施培孔 浙江人十年任
榮城人十一年任同治三年再任

于實之

陳 焜 四川人同治元年任

倪寶琨 平湖人二年任

崇 樸 漢軍正藍旗人舉人二年任十年再任

李修梅 嘉應人二年任

王應恩 山東人三年任

王厚莊 錢塘人七年任

馮譽騏 高要人十一年任

李德溥 臨漳縣人進士光緒元年任

徐成敷 宿松縣人拔貢三年任

秦曾熙 會稽縣人六年任

柱正華 石埭縣人六年九月任

劉廷鏡 廣東人進士九年五月任

朱公純 安徽壽州人十年二月任

復設訓導

周鳳翹 丹徒人舉人嘉慶十九年任

李 溟 上元人舉人道光五年任

高星紫 武進人舉人十年任

郭繼高 吳縣人舉人十一年任

潘映淮 歙縣人廩貢二十一年任

張振奎 丹徒人廩貢三十年任

樊清瑞 崇明人附貢同治二年任

朱大澂 荆溪人舉人十一年任

溫繁炳 上元人舉人十一年任

陳履泰 婁縣人附生十三年任

陳子蘭 海門廳人廩貢十三年任

束允泰 丹陽人拔貢光緒元年任

趙書禾 丹徒縣人副貢元年任

主簿 缺

邵伯司巡檢

秦芝庭 人咸豐五年任八年再任

陶功枚 浙江人八年任

陸秉楨 人八年任

沈詔涵 人八年任

沈雲翔 會稽人九年任

沈燮綸 人十一年任

陳增元 大興人十一年任

傅麟書 山陰人同治元年任

屠湘波 會稽人十一年任

江國瑞 順天通州人十二年任

蘇有炯 德化縣人十二年任

沈念椿 嘉興人十二年任

舒霖 懷甯人光緒六年任

孫墉 浙江人七年任

李崑源 廣東人七年任

上官司巡檢

陳綺 人咸豐六年任

朱逢辰 歸安人七年任

金鈴 人八年任

顏保奎 桐鄉人九年任

陳增元 大興人九年任

胡壽鴻 人十一年任

張培基

人十一年任

徐釗

人同治元年任

李維賢

大興人二年任

陳步雲

大興人三年任

張淦

山陰人五年任

陳驤

大興人六年任

沈賡揚

山陰人七年任

胡杰

人八年任

王恩榮

人九年任

祝騏

秀水人十年任

胡子成

江西泰和縣人十年任

沈薰

浙江人十二年任

江德堃

仁和縣人光緒元年任

舒霖

懷甯人元年任

胡子成

江西泰和縣人六年十月任

典史

金元鼎

桐城人咸豐九年任

王金詔

錢塘人九年任

汪世鉞

蕭山人十一年任

張子鏞

蘄水人同治二年任

余天福

休甯人二年任五年再任

陳綺

人四年任

王柏齡

通州人五年任

吳士俊

涇縣人五年任六年十二年再任

單錦堂

山陰人六年任

以上新增

[Faint bleed-through text from the reverse side of the page]

解宇志

甘泉縣署

在小東門內太平坊

國朝雍正十年知縣龔鑑建中為正堂堂後為知縣宅

西為典史廨堂之左為幕廳兩翼為司房吏舍中為

甬道戒石銘以木扁懸對正堂前為儀門門外東土

地祠西為獄又前為大門又前為照壁 雍正府志

主簿署

典史署

在縣署大門內西偏

儒學訓導署

在學宮內詳學校志

明歐大任苜蓿齋記嘉靖丙寅六月歐子赴江都學宮秋冬之隙始於解之西葺理小齋讀書於其中齋後有園地皆磽确雜以瓦礫雨後盡種苜蓿因題曰苜蓿園客常滿齋中相與談堯舜周孔之道食盤半苜蓿意蕭然適也乃亦以苜蓿名齋諸生進而問曰先生奚樂於斯耶歐子曰余亦從心所樂爾夫心未始有物也及其障之若塵勞之若絲沉之若溺昏之若迷者競於利欲者在昔先民土鼓污尊元羹越

席豈不澹然足哉五色旣章五聲旣和五味旣齊詎知夫淫靡奢麗之由諸此遂不可隄防乎雲委波蕩至於今極矣巧宦之士售尺寸之勞以姦爵祿閭巷之子擁金帛之富以踰典章孰肯淡泊其心於以居身而正性命哉夫齊國千乘或不可擬於首陽之餓夫而監門執戟之吏豈奴隸於金張許史之門者耶余幼習章句急於功名顛躓者累矣長而幸聞父師之教惟恐失墜敢忘其顛躓之憂而競夫榮觀之望舍吾素位之樂而汨吾澹泊之心乎且希炎而慕赫者曲士之趨也安心而俟命者哲人之守也祿可以

養親苟有所忝焉卽三牲五鼎不足以爲孝況沉酣於利欲以自奉其身卑焉甚矣二三子曷不求余心之所樂耶諸生曰願先生識之歐子唯唯因書其語於壁嗟夫斯苜蓿也其殆委土之箴規斷罟之師保也哉 歐楨伯集

邵伯鎮巡檢司署

在邵伯鎮

上官橋鎮巡檢司署

在陳家集

邵伯驛

在縣北四十五里本鎮官河東岸

陰陽學 醫學

僧會司 道會司未建

預備倉

有三一在西門外一在邵伯鎮一在豐樂鄉

便益倉

在縣治便益門外

廣儲倉

在廣儲門內大街計五廩

保揚倉

增修甘泉縣志

卷之六

解字

三

在南門內大街計十廩

常平倉

在新橋西方家園析縣後甘泉新建

鹽義倉

有二一在東關大街一在廣儲門外雍正五年奉

旨特建互詳鹽法志

例穀倉

在府東通泗橋乾隆四年奉

旨建設

兩淮巡鹽察院署里本廳官所東阜

在縣治北城中通衢大街東

兩淮都轉鹽運使司署

在縣治小東門外張家巷即漢江都相董仲舒故宅

署前南北東各立門門有樓以為保障

明李銳三門記兩淮鹽司自唐以來代有之司治設

於揚城東關南陬或曰揚州昔廣司建厥中後改作

而隔諸城外夫鹽司錢糧淵藪也而乃寄諸城外是

猶珠玉委於道旁可乎哉余承乏來官是司顧司外

通衢東南西北皆有隙地可作門以為保障乃命工會

料規畫周悉請之臺憲皆許可於是構壁瓦木植聚

羣匠而作之門凡有三上覆以樓樓櫓相望宛若小城經始於仲冬丁未落成於臘之庚子適有客過余相與登樓而眺客曰偉哉此舉真百年良圖詩謂未雨徹桑易謂設險以守其無愧哉余曰吾子其肇錫嘉名余得以奉教焉客唯唯南曰迎薰北曰拱極東曰賓陽余問其指客語余曰昔者舜彈五弦琴歌南風詩曰南風之薰兮可以解吾民之愠兮子能礪爾操存平爾政事商而寬之竈而撫之海隅市廛無愁歎聲茲非迎薰之謂乎語曰譬如北辰居其所而眾星拱之于能殫爾心力夙夜匪懈以專一人所謂處

大江湖之遠則憂其君茲非拱極之謂乎傳曰日者眾陽之宗人君之象子居是官凡渙汗之頒布天語之叮嚀洞洞屬屬奉行惟謹所謂天威不遠顏咫尺者茲非賓陽之謂乎是非特名門亦所以勗吾子也子能顧名思義身體而力行之後之繼子者接目警心奮發不怠鹽政其庶乎余揖而謝曰命之矣遂與舉觴酣飲而罷因書以爲記

揚州府署

在縣西北通泗橋西

清軍同知署

在縣西北

卷之六

解字

五

在縣西北府署左

經歷署

在府治內

檢校署 照磨署

俱在府署西偏

鑾駕庫

在府儀門東

軍器庫

在府川堂左

大積庫

在府川堂右

府獄

在府儀門西南

軍儲倉

在府治東

府學教授署

俱在府學西

揚州城守營遊擊署

在縣治小東門外教場西

中軍守備署

增修甘肅通志

卷之六

解字

六

在縣治教場東

演武場

內有演武廳在轅門橋北

僧綱司 道紀司 廣恤所

惠民藥局 盤詰廳 鐵盤廠

以上俱屬府轄載府志

稅課司今裁

維揚公館

嘉靖志云在城右北廂為客使往來聚食之所前立四亭臨漕渠以便登陟

大儀公館

在本鎮

甘泉公館

在甘泉鎮舊有公署為輜軒憩息之所歲久就圯明

萬曆二十四年知縣張寧買民地一區重建今廢

養濟院

在北門外大街明洪武十二年知縣丁師尹建天順

七年督理漕運王公度重修計房屋九十八間係江

甘二縣孤貧住內江邑孤貧分住在北甘邑孤貧分

住在南每邑分設男婦孤貧七十四名口每邑房屋

四十九間每月應給口糧并米折價銀給放乾隆元年郡人議敘正四品卽用郎中黃履昂捐田三百三十七畝八分歲收籽粒七百二十一石一斗八升給兩縣孤貧口糧

明劉翊揚州府重修養濟院記皇上踐祚之初百政一新軫念窮困之心尤急故明詔之下首及之且令所司無俾乞食於市大哉聖心卽古文王懷保小民惠鮮鰥寡之心也臣某因憶去歲侍讀春宮至書之無逸篇言文王於小民則懷保之於鰥寡則惠鮮之遂及時事數條天顏豫悅雖不形諸言實深有契於

心臣某於斯有以知皇上真大有爲之君可以登三邁五而漢唐宋英君諠辟不足較也肆其初正卻貢獻減財賦罷諸道鎮守官無非爲民而以窮民尤民之微者故特加之意焉皇上愛民之仁若此其任事之官體皇上之心固有之矣然有行之而不竟者有視爲故常者深可惡也至以忠義自許以蒼生爲念侃侃焉特立不阿不待啟之而仁以行不俟激之而仁以著陝右王君公度一人而已君昔爲給事以誅奸臣功超擢都臺督理漕運大得江淮之心及其旣去人心若失慈母及今起人心若得慈母君何以得

此於人哉亦惟以仁而已矣天順癸未君巡至揚首以養濟院詢於有司仍躬造其所舍宇歲久寢用圯壞且狹隘弗可容衆君設法修復不勞於民輦石陶甃鳩材僦工木斷而不加雕牆圻而不加飾前此屋止十三間今悉撤其舊而新之凡增若干楹廣儲布帛粟米實其中郡之鰥寡孤獨疲癯殘疾不能自全者皆兼收而並納之復於大門外書養濟院三字於坊以示來者告成之日歡聲四徹民用以康道路之間無復餓殍君之功可謂大矣太守武邑王勤恐君之功不傳諸永因訓導孫敏以公來京寓書具始末

屬識其事夫古之聖君賢相以天下爲心則必均平天下以爲愛皇上能體文王發政施仁之心君能體皇上愛民之心且斯舉也舉於明詔未下之前可謂不待啟之激之而仁政自行者矣噫安得今內而任事公卿外而郡邑小臣皆以仁民爲心如君者耶此事公卿外而郡邑小臣皆以仁民爲心如君者耶此又某區區無窮之望已其院興工於天順七年五月二日訖工於九月十八日

育嬰堂

在小東門外城濠側順治十二年邑人蔡棟經始紳商李宗孔閔世璋等倡捐建立後歲需不敷堂宇傾

頽月給乳嬰兒者寄養康熙五十年閔廷佐張師孟等倡同紳商捐購民地遷於北門外署運使劉涵運使李陳常集商公議歲捐銀一千二百兩雍正元年清理鹽規將此項冊呈

御覽永遠存留爲育嬰用十二年閔廷佐又倡紳商捐建堂房一進乳屋七十九間

普濟堂

在邵伯鎮下橋鄉法華寺之側先是雍正七年江都胡令倡舉同善置堂於鎮北萬緣庵之故址析縣後遵奉雍正間

上諭邑置一堂乾隆元年前任龔令將同善改爲普濟另購

民地建造今堂選紳士許之琦蔣繼贄周士灝徐沆蔣繼瑜蔣之莢蔣之莘龔九敘許之增潘光灼周士沅等管理周濟貧民之事病給醫藥死予櫬埋罔不周至焉郡人黃部郎履昂於乾隆元年起至五年止每月捐銀三十兩共捐過銀一千六百二十兩又於乾隆六年五月躉捐銀一千五百兩發邵典生息按月取息三十金給堂中爲鰥寡孤獨一百名月糧郡人許上舍華生在普濟堂前建造橋梁以濟行旅知府尹會一新建邵伯鎮同善堂記雍正壬子余自

襄陽奉

命移守揚州甫下車見四境以內民戶殷繁室廬相望士農

工賈各安其恆業而漸摩於親睦蓋其沐浴於

聖朝休養之澤亦已久矣余既職守此土凡地方庶務關民生休戚者亟爲咨諏籌畫將殫吾心力次第興舉以盡吾守土者之職非敢以博名要譽也去郡治北四十里曰邵伯鎮爲南北舟車孔道烟火萬家行旅如織然隄瀕於河夾岸皆大湖每遇夏秋水泛溢淮流乘之東下居民一歲豐歉與商旅聚散恆繫於此辛亥秋適逢水滂民多凍餒且廛市蕭然人無生計

前江都令胡君爰倡義舉立同善堂於鎮之多寶館令本土紳士公任厥事爲之賑粟給絮施藥餌助棺槨撝幣救焚扶危濟困始則募市中每一厘助錢一文月止十數縉用不敷則董事捐輸以補其乏明年得

旨析揚州附郭爲江甘二邑邵伯遂隸甘泉甘令龔君復爲措置經畫多方勸諭然終以常額無幾物力艱澀而貧待食寒待衣病待藥亾待殮水火待拯救者日多卽董事諸人心有餘力不逮亦無如之何焉余廉得其情又目擊鎮民疊罹水阨實有嗷嗷切膚之苦返

之方寸豈忍以隔膜視乎且江都之瓜洲甘泉之邵伯均號揚屬鉅鎮今瓜洲普濟堂既歲登田畝之入而饑商復額輸千有餘金永著爲令乃邵伯同善堂均此黎民均此善舉而僅以清貧紳士協力於市人而爲之此其間久暫難易之分固不待智者而後稔矣余因是尤戚戚於心且其事更迫不能待乃與甘令龔君多方募捐七百餘金一委之董事諸人按籍分給被水鄉民以謀其食再募絮衣千餘領以謀其衣然堂無常產難爲繼也適有藥王廟僧入官田分撥二百七十三畝有零附以莊屋給同善堂永留收

穫以助其用仍念堂無專建寄立於多寶館是有名而亾實也爰節縮常俸百二十兩購鎮北萬緣菴廢址改建爲堂堂之前爲門三楹殿三楹東西廂寮庖溜等房二十餘楹鳩工庀材丹雘一新仍以同善堂大書於額自是堂之規模始定董事者喜茲堂之告成也咸請余一言勒之貞石余何言哉余嘗讀周書曰吉人爲善惟日不足易傳亦曰恆者久也今堂名同善是誠利人濟物之良規余旣殫心力爲之勗始尤願自茲以往守之勿墮行之弗懈聞風鼓舞擴充而欣助之俾一鎮之中遂生樂業任卹有加而顛連

無告之民皆熙熙然共躋於仁壽之域是堂之爲功
可久可大庶不負余今日之厚望乎堂成於雍正十
一年癸丑夏五月董事諸人皆有功於堂者其姓名
例得附書 以上原志

軍儲倉大使署與稅課司大使俱於康熙五十五年裁

鹽運司經歷署

廣盈庫大使署

鹽知事署

兩淮白塔河巡檢署

俱在鹽運司署大門內

廣儲倉

在廣儲門內爲江甘每冬收漕公所甘泉凡五廩

常平倉

乾隆五十年詳修

例穀倉

在牛象巷乾隆四年以范士佳入官房改建二十年

撥儲完竣

中軍守備署

乾隆三十八年移建舊城小東門內

演武場

乾隆三十三年詳移西門外平山堂下

鹽義倉二

一在新城瓊花觀後雍正四年建乾隆十一年增添儲穀六萬石一在廣儲門外凡三倉亦雍正四年建乾隆十一年增添儲穀十八萬石俱僉商管理

育嬰堂

舊在小東門外城濠乾隆三十二年總商程謙六等呈請移建在廣儲門外建隆寺旁契買董姓民地知照本邑完糧其規則詳鹽法志

收養所

在育嬰堂之東乾隆三十一年鹽政普福運使趙之璧仿直隸留養局之制以銀一萬八千兩生息充用每歲十一月望後收養窮民至春初而散有趙公碑記

普濟堂

在邵伯鎮紳士輪年管理具載前志嘉慶十年董事張瑞堂母邵氏捐銀一百五十兩入堂生息增加名數

恤嫠會公局

現在安定書院胡公祠嘉慶十一年甘泉訓導鄭環

詳請仿行常州恤廢會總督陳公大又飭以壩商公捐銀三萬兩令運司交商生息月得三百兩知府伊公秉綬又請運司曾公燠籌添五十兩共計月三百五十兩廢婦七百四名每名月給錢四百文餘充公用按郡城十二門以本邑紳士派管不分江甘名額按次補入

博愛堂

在邵伯鎮嘉慶十四年里人捐貲公建月給本鎮廢婦廢疾錢文兼設義學施助醫藥棺槨埋葬等事里紳徐侍御寅亮請于鹽政阿公捐助二千兩生息供

用阿公有記 以上續志

巡鹽察院道光十一年缺裁咸豐三年遭粵匪署全圯兩淮都轉鹽運使司咸豐三年後公署疊經粵匪拆毀於同治八年開工先成經歷知事庫大使各署十年工完竣續建鹽捕營演武廳於大門內公廨隙地十一年一律告成

方濬頤新築儀董軒記揚州題襟館之名震於大江南北亂後葺治之已非復舊觀館之東爲景賢樓後稍右爲董子祠祠北則董子井在焉隙地甚廣榛蕪瓦礫觀之惻然同治己巳莫春濬頤由粵東抵邗上

適運署工作方興竊思此地爲江都故宅顧名思義當於題襟館外另闢一區以表醕儒高躅焉乃召工匠於祠之北建屋六楹繚以曲廊井之東建屋九楹又於井之西浚池畚土築高阜於九楹之南稍稍種竹樹焉工未畢而予有嶺南之役庚午二月束裝渡嶺十月始返園中之竹則已半枯矣趣園丁補種之忽忽又逾三稔今年春將於肥濱築屋作歸老計因念後圃未完恐爲來者所訾議爰乃重加相度六楹者已作書室無可更張其九楹者東西南三面皆敞軒簷故太淺不避風雨加廡焉以障之西軒爲夕照

所侵不如東軒本三楹也釐而爲五乃以曲勝軒北如街拓其地亦爲三楹東軒宜夏顏曰待月謬北軒宜冬顏曰小吟窩而南軒則面山環樹空曠幽雅特以儀董名之千百載後猶令人起景行之慕以視題襟茂如也西軒以爲奴子烹茶洗研之所遂堙井而翼以亭於東南隅別穿一井以資澆灌舉向之榛蕪瓦礫悉芟夷而剗削之軒以外桐桂桃杏之屬各十餘樹竹數百竿其尤勝者一松塔一槐龍天矯獨異乎羣木而金絲柳搖曳其間蘸雨籠烟別饒野趣柳林之側紅白梅十五株花時爛漫可愛因起團蕉編

茆覆之額以香雪軒之前編矮籬爲花徑雜蒔雞冠
雁來紅爛熳奪目豔過陽春軒之兩傍則架高籬種
瓜豆壺盧忍冬薔薇以引蔓其上今夏多雨顧盼卽
成翠幄乃招二三知己排日作消夏之會有客軒渠
告余曰邗上園亭多矣類皆誇多鬪靡疊牀架屋壘
山鑿沼畫棟雕甍侈華麗之觀少疏宕之致費鉅萬
白鏹以經營一臺一榭倏遭寇劫頓長蓬蒿試問年
時存者尙有幾耶曷若茲軒結構玲瓏而不傷於綺
點綴蒙密而不病其繁使君之工於位置洵乎超前
軼後己予曰唯唯否否濬頤之築此軒也誠以辨天

人明義利江都爲千古醕儒掌牢盆者朝斯夕斯咸
宜奉爲典刑毋得囿於塵俗亦猶重修平山谷林二
堂俾後人毋忘兩文忠之文章政事耳豈得謂之騁
游觀耽逸豫云爾哉客退遂濡筆而爲之記

參府署前志作遊擊府嘉慶二十五年改參將咸豐三
年粵匪陷城圯同治十二年建

揚州府署咸豐三年粵匪陷城圯同治十二年建
清軍同知署咸豐三年全圯改駐邵伯鎮今重建
江運同知署在邵伯鎮咸豐三年缺裁

鹽捕營都司署道光二十六年設署在霍家橋近江圻

圯移駐城內古旗亭

守備署咸豐三年後全圯同治十二年建

衛守備署咸豐三年後全圯未建

甘泉縣治署咸豐三年粵匪陷城署圯同治八年重修

邵伯司巡檢署在邵伯鎮

上官司巡檢署在陳家集

附

課桑局 方濬頤揚州課桑局記自來耕種之外以織為先而

蠶利之興厥桑宜樹是以張詠崇陽之植姜或濱州

之栽慕容平川之移王宏汲郡之教莫不植之沃土
采以春陽法創一時利賴百世而况俗多游惰室鮮
蓋藏斷臂積垣欲續蕪城之賦寸絲尺帛疇為蔀屋
之謀乎余以同治八年奉

命都轉來揚州時寇難甫平民居初復邗溝四境未徧禾麻蜀

井一隅尚淪榛莽爰與屬僚之能者擬為課桑之策
於十年秋舉而行之因民所利甫勸新規遷地為良
遠謀嘉種亦既講求務盡勞費勿辭矣又念課非虛
設宜立總樞桑必先栽須求隙地爰於小金山之東
得江氏淨香園故址焉路猶近郭境已在郊迤邐青

蕪遙連螢苑延緣綠水低傍虹橋遂因度地之宜定
爲建局之所港通舟楫則逸於運輸隴拓圃畦則寬
於蒔插道里均會則便於取攜官紳並司則易於求
應而且種藝多術招及場師經費預儲取諸市稅計
必審法必詳也攷揚州之域地控淮海業擅齷齪男
爭負販廣斥是營女耽遊嬉維軒莫辨繫在昔馬稜
之復陂湖杜佑之積米穀王琪之禁錦綺劉晏之調
泉麻亦皆有志於鞠人未及設謀於桑土惟宋羅適
之事見秦淮海之文其所稱漑田六千頃桑亦八十
五萬株有奇是則旣重農功兼修婦職中閨互勗敦

俗何難今此舉甫及一年間郡東諸處已有獲其利
者果能樹藝如法培漑因時將見陌上陰濃牆下布
獲戴勝初降如蓋童童倉庚其鳴傾筐宛宛是誠官
斯土者之幸也局之制前闢堂皇爲辦公之地旁通
軒檻爲攬勝之區因思

國初海寓承平民物殷阜時王阮亭司寇以推官主持壇
坵招致琴尊案牘之餘頗多雅集吟篇之出競入新
聲曾以修禊良時用葺冶春詩社卽今遺址已荒典
型未墜小山可望大雅堪思敗井積垣動行人之想
像流風餘韻致過客之勾留迺於屋劃東西別成新

構並以地宜觴詠仍襲舊名他日盛會代興文藻輝映溪漾朝曦時見漂繭檐上新月靜聞鳴梭卽物攄懷儻亦賦春遊者之一事乎夫功莫難於圖始效莫難於經久予嘗於簿書清暇循行阡隴喜睹沃若之狀尤願栽者能培詔彼野老戒其荒嬉習業旣爛餘利斯券從此比舍歆動操作任勞內廩所務足佐田功操手所司可瞻食指化佚樂爲勤劬轉些窳爲康裕所謂五畝之宅必樹桑未嘗不勝於十年之計在樹木也工旣竣作爲此記以諭來者踵而行之當與予有同志云時同治十有一年歲次壬申仲冬之月

又湖上桑田記攷之平山堂圖志邗上農桑在迎恩橋西岸有浴蠶房有分箔房有綠桑亭迤西之大起樓繞屋桑陰扶疏可愛樓之右則爲染色房房之前則爲練池池之西則爲練絲房度橋而西又有螺祖祠經絲房聽機樓紡絲房東西織房成衣房獻功樓披斯圖也想見伊昔盛時太平豐樂景象雖

鑾輅游觀之所尙復

厓念民生設此以爲勸猗歟休哉濬頤承乏兩淮值兵燹之餘湖上園亭蕩爲榛莽同治辛未壬申間旣復修平山谷林二堂復念邗上農桑之義欲倣其情厲其勤爲

課桑之舉於湖東江氏淨香園故址鳩工築室一區顏曰課桑局刊碑記之檄屬吏買桑於吳興分給農民領種十餘萬株而局之前後亦種數千株以爲官桑飼蠶繅絲鬻其直備善舉之用嗣以局費借飲於市肆不可以竭商賈之力因議停捐向者局主於官今則歸紳主之以官桑太少因與卞頌臣中丞鄭芝巖太史劉縵卿舍人謀擇官地闢桑田乃久之甘泉令以冊籍無稽告嗣於局東數武得地四十餘畝云爲畢園故址今歸邵氏局之地爲淨香園乃奉宸院卿江春別業載在平山堂圖志志中無畢園名是耶

非耶不可得而知已因以錢三百緡購其地爲桑田郡有尹氏某以種桑爲業者司務局云湖桑近日江湖皆有之不必遠求也因屬其市桑萬株蒔之天膏濃霈彌望沃若三五年後璘藉燦然女紅以興婦職無忝而所謂浴蠶也分箔也染也練也經也機而織也紡而成衣也獻功也皆於田乎肇端吾意綠桑亭螺祖祠固不得擅美於前而揚之民崇本抑末去靡麗返敦龐蒸爲善俗又何苟田之足云

務本堂

錢振倫重建務本堂記昔文王澤及枯骨論者以爲

仁政之始月令掩骼埋胔與賜貧振乏並屬春令當時固有司者之所治耳自封建易爲郡縣有司視官如傳舍簿書期會日不暇給幾置此爲不急之務於是凡百義舉不得不資於地方之有力者顧事權不屬或滋流弊則仍賴有司維持於其間事恒屬之守令罕有及於專閫之寄者有之自參戎朱公始矣先是揚州有務本堂乃諸善舉之總匯也揚爲東南都會漕務盛時富商巨賈填委輻輳故其事易集迨咸豐三年後郡城疊陷至八九年間始獲收復詢其遺址蕩然盡矣參戎好善出於天性自道光季年効力

戎行周歷數省所見疾病死亡凍餒者莫不設法以收恤之同治初年莅任揚州兵燹之餘流離滿道慨然於斯堂之就廢迺邀集紳董捐俸勸募僦寓舊城炎帝宮暫施棺藥以爲之倡五年清水潭決口災民紛紛求食開廠施賑全活三萬三千餘人於是銳意興修廣爲募緣六年建堂於北柳巷路東仍名務本不忘舊也堂中善舉以施棺掩骼義塚義損爲最重其餘病者送診施藥饑者施粥寒者施衣以及義學惜字次第舉行惟育嬰則暫爲開辦俟集費稍廣別建堂焉在事諸董類能力自節嗇質諸城隍神以明

信而同城自都轉以至府縣長吏亦皆和衷共濟相與振興而保護之蓋其求實惠而防虛糜也如是夫堂名務本蓋取四德以仁心爲本參戎老於行陣戰功卓著準以殺敵致果之義似未暇流煦嫗之恩者顧思明之新建伯破宸濠平諸賊勲業蓋一時而其先爲龍場驛丞乃惓惓於瘞旅一事則信乎成大功者未有不本於仁心者也余新主安定講席未識參戎而同年都憲晏公津津道其善弗衰並委爲鐫石之文是烏可以無記乎參戎名永發今更名元松湖南芷江人提督銜記名總兵官揚州營參將顯庭其

號云

育嬰堂

方濬頤揚州育嬰堂記畧云育嬰曷昉乎揚州在前明則號爲育嬰社

國朝業巖者西商員洪麻徽商吳自亮方如珽創其事順治十三年建堂於西郭外歲需銀三千兩康熙四十年劉太守涵攝運司事月增五十金越明年又月增銀百兩雍正元年核減公費惟此欸獨存乾隆八年朱運司續暉分西門雙橋便益門北來寺高橋廣儲門毘盧菴天甯門共八處遴商人按月承辦二十年

盧運司見曾置廣儲門外菜田爲育嬰之地三十年
鹽政普福始仿吳中築屋四百間四十年鹽政伊齡
阿增乳婦米銀五十六年鹽政全德將兩淮歸公田
廬統命商司出內充堂之用六十年鹽政蘇楞額運
司曾煥各捐廉俸改建乳房二百四十間此載在鹽
法志者也自賓谷都轉改建之後規模闊壯糜庫帑
動至數萬迨道光庚寅辛卯間鹽法一變運司俞德
淵力杜冒濫而堂之用每年仍需二萬數千有奇乳
婦頭八人把持舞弊相沿已久且遺留瞽目廢疾之
女百數十人聚而不散咸豐三年堂毀於賊嗣以各

善堂田歸揚州守經理而乳婦頭猶率殘廢強索口
糧始補給腰牌數十名同治八年新建育嬰堂於城
內預將官房改爲收養殘廢之所而濬頤適由廣東
量移兩淮因收繳腰牌給貲遣散之乳婦頭則革去
之而其患始息於八年四月修造號房六十間九年
四月又於堂之對門建房二十八間命汪知事應溥
會同紳士經理其事後卞頌臣中丞告養歸里遂肩
其事以嬰多堂不能容宜添外養之所又於北鄉黃
珏橋立分局收養月必至堂視乳者勤惰數年以來
全活嬰媿無算視曩之散而難稽惠而不實者異矣

顧田磽產瘠年歉卽形支絀因與濬頤籌商接濟之
欸白諸上官幸而集事往者淮商體大物博而不免
於鋪張揚厲失其本真自不如今日歸之紳衿耆老
樸誠簡易之爲得也

立貞堂道光二十年儀徵監生吳世璜家業鹽力行善
舉憫婦女青年矢志孤苦無依於新城左衛街買得
剩屋造號舍收養前江都知縣羅煜題曰立貞堂後
好善者多所捐助更闢其地淮南商人稟請按引捐
帶三釐前運司但明倫詳請兩江總督璧昌批准由
運庫給發兵燹後屋宇多圯同治七年重修運使李

元華勸諭場商按引捐釐建置號舍七十七間月給
嫠婦鹽菜等費由紳士經理

恤嫠會舊有局設西門雙井街咸豐兵燹後經費不足
歷任知府籌欸給發年終出榜曉示諭公正紳衿分
路查核

常平倉久圯光緒四年邑令徐成敷重建

揚州府知府黎福保記曰常平倉之設由來舊矣自
漢及唐宋無代無之我

朝各直省亦均奉

恩詔建立誠備荒之善策務本之善政也甘邑常平倉舊建於

南城隙地兵燹後漸及傾廢基地僅存光緒戊寅歲甘泉宰徐君實菴商於郡中卞頌臣中丞思仍其基而重建之以所費甚鉅竊慮其無自出爰首分鶴俸以倡之次則籌之於民按畝集捐務期必濟維時闔邑士民靡不踴躍奉公輸將恐後卒得錢貳萬緡建成倉廩三十餘所備穀一萬石是役也倡其議者徐君也親歷鄉邨勸民捐助使胥吏不得而侵蝕者舒小巖別駕暨紳士毛君聲和諸人也若夫鳩工庀材經營慘淡專任其事而卒能有成者則邑紳尹封公掄元喬梓之力爲尤多己卯正月是倉落成余適以

是秋重守維揚徐君爲余縷述其事並屬文以記之夫徐君之居官余知之非自今始憶余丙子曾守是郡徐君來宰斯邑下車未久輿論咸翕然稱善迨與余共事者七閱月益信其能以實心行實政經濟學問迥非俗吏所能及建倉一事特其偶著者耳抑余猶有厚望焉果由是推而廣之更仿朱子社倉之法於四鄉次第舉行庶幾善量充周近者固已受恩遠者亦沾實惠傳曰小人樂其樂而利其利凡茲黎庶必將含哺鼓腹拱手而上承平之頌是其所全者更大余於此更有厚望焉

萬壽宮揚郡自兵燹以後謹於天甯寺供張

寶座安設

御屏光緒七年兩淮鹽運使洪汝奎撥款於鹽院基地恭造凡

祝

聖釐賀元旦儼近

天顏於咫尺如躋殿闕之巍崇庶足以肅觀瞻昭誠敬也

鹽義倉前運使歐陽正墉建於平山堂西七年洪汝奎
於鹽院基地添建

因利局光緒五年經紳董嚴壽彭毛鳳音等設立以便
貧民六年總辦瓜棧候補道徐文達七年運使洪汝

奎先後籌添經費

瓊花觀粥廠

丹徒嚴壽彭募創初貧民食粥者止數千口繼增至
一萬有奇不數年幾二萬口矣壽彭恐募資不能久
遠乞卞中丞頌臣邀集場運兩商每引捐運商十八
文場商十六文由總局扣存每歲約有萬緡貧民賴
以存活者甚衆

接嬰堂在邵伯東街里人楊澍丁國瑞創立來嬰先養
三月送至郡城育嬰堂收養運司徐文達准由運庫
按月撥給經費陶春年施助民田七十八畝

因利分局在邵伯蟾宮巷歸揚州因利局管轄兩淮運使徐文達准在運庫按月給助經費

以上新增

恩濟岳香甚衆

文德商十六文由縣局吐并并效餘育萬餘貧兒
一萬育奇不孺手幾二萬口矣焉道恐其資不
四封殖善道慕德既貧兒食粥者土燧千口繼
空於對善亦發費

